

Ba bone’ng Tlung ea Hau?



SABATHA MANTSIBOEA

Bakeng sa thuto ea Beke ena, Bala:

Esaia 38; 39; 1 Ba-Kor. 7:12–15; 1 Pet. 3:1, 2; Ba-Heb. 6:12; 13:7; 3 Johanne 11; Esa. 58:6, 7, 10, 12.

Temana ea Khopolo:

“Empa ha e le lona, le moloko o khethiloeng, le baprista le marena, le mofuta o halalelang, le sechaba se ruiloeng, le tle le bolele lithoko tsa ea le bitsitseng lefifing ho le kenya leseling la hae le hlollang” (1 Petrose 2:9).

Mohlomong re se re fihlile boemong boo, re leboheng Morena, ka maphelo a rona (bonyane hajoale) a ntseng a tsamaea hantle: lelapa le tsamaea hantle, mosebetsi o tsamaea hantle, bophelo bo botle le lichelete le tsona li tsamaea hantle. Kapa mohlomong ha ho joalo? Mohlomong lelapa la hau, hajoale le sa le bohloko, le ferekane? Ka tsela e fe kapa e fe, ha motho e mong a tla ho etela lehae la hau, joalo ka manqosa a tsoang Babilona a neng a etetse Esekiase, ke karabo e fe e ka fanoang potsong eo moporofeta Esaia a ileng a e botsa morena hamorao: “ ‘Ba bone’ng ka tlung ea hao?’ ” (Esa. 39:4). Batho ba bone’ng ka tlung ea hau? Manyeloi a leholimo a bone’ng? Moea o renang ka matlung a rona ke o fe? Na e mong a ka “nkhella” monko oa thapelo? Na ho teng mosa, ho fanana, lerato, kapa tsitsipano, khalefo, lehloeo, bohloko, le ho se utloane? Na motho ea leng teng o tla tsamaea a ntse a nahana hore Jesu o teng ka tlung ee? Tsena ke lipotso tsa bohlokoa tseo bohle re lokelang ho ipotsa tsona mabapi le mofuta oa lehae leo re le bopileng. Bekeng ena re tla talima tse ling tsa litaba tse ka etsang bophelo ba rona ba hae bo be monate, ho sa natse litsitsipano tse ke keng tsa qojoa le lintoa tseo malapa a tobanang le tsona.

**Ithute thuto ea beke ena ho lokisetsa Sabatha sa la 22 Phuptjane.*

Ho Ithuta ka Liphoso Tsa Morena

Bala tlaleho ea pholo ea Esekiase le ketelo ea manqosa a Babilona. 2 Likronike. 32:25, 31; Esaia 38; 39.

Lengolo le supa hore manqosa a ne a na le thahasello pholong e mohlolo ea Esekiase. Leha ho le joalo, Esekiase o bonahala a ne a khutsitse ka boiphihlelo bona. Ha a ka ba a bua haholo ka lintho tse ka beng li butse lipelo tsa manqosa ana a neng a botsa hore ba tle ba be le tsebo ea Molimo oa ‘nete. Phapano e pakeng tsa teboho ea hae ka ho fola ha hae khaolong ea 38 le ho se bue ka hona khaolong ea 39 ea makatsa. “Molimo oa mo furalla hore o mo leke.” Ketelo ena ea naha e ne e le feela ha ho na tlaleho ea moo Esekiase a kopang tataiso e khethehileng ka eona ka thapelo ea baporofeta kapa baprista. Le Molimo ha oa ka oa kena lipakeng. Boinotšing, moo a sa bonoeng ke sechaba, ntle ho puisano le baeletsi ba semoea, Esekiase a lesa mosbetsi oa Molimo bophelong ba hae le sechaba sa hae li tsoe kelellong ea hae. Morero oa ranalane ho 2 Likronike 32:31 e ka ‘na eaba e ne e le ho bontša kamoo litlhohonolofatso tsa Molimo li ka nkuoang e le lefeela kateng le kamoo ba amohetseng mohau oa Hae ba ka itjarang kateng.

Katlase ke lithuto tsa botšepahi bophelong ba lelapa tse ka fumanoang boiphihlelong ba Esekiase. Tse ling tseo u ka li nahang ke li fe?

Ketelo e ‘ngoe le e ‘ngoe lehaeng la Mokreste ke monyetla oa hore batho ba kopane le balateli ba Kreste. Ke baeti ba fokoang ka palo ba ka qalang moqoqo ka lintho tsa semoea. Bakreste a lokela ho fumana litsela tse hlokolosi hape tse nepahetseng tsa ho fumana monyetla oa ho arolelana ka litaba tse molemo. Bakreste ha ba biletsoa ho tla bontša ka likatleho tsa bona le maruo, leha ba ka nka tsena e le tlhohonolofatso e tsoang ho Molimo. Ba bilelitsoe hore ba “bolele lithoko tsa ea le bitsitseng lefifing ho le kenya leseling la hae le hlolang” (1 Pet. 2:9) kapa, ho sebelisa boiphihlelo ba Esekiase e le letšoao, ho phatlalatsa hore ba ne ba e-shoa, empa Kreste o ba folisitse; ba ne ba ichoelletse melatong ea bona, empa Kreste a ba tsosa bafung ‘me a ba lulisa maholimong” (Ba-Ef. 2:4–6).

U sebelisa lehae la hau joang ho pakela ba bang? U ka arolelana ka tumelo ea hau ho Kreste joang ka tsela e topileng ka ho fetisa le baeti ba tlung ea hau?

Lelapa Pele

Baamoheli ba pele ba maleke a rona a ho arolelana ka evangeli ka tlhaho ke batho ba ka malapeng a rona. Ha ho na tšimo ea bosebeletsi e bohlokoa ho feta ena.

Re ka fihlela liqeto li fe ho tsoa ho Johanne 1:40–42 ka ho arolelana ka tumelo lapeng? Sheba le Deut. 6:6, 7; Ruthe 1:14–18.

Tlaleho e tletseng cheseho. Andrease o ile a fetela ka nqane ho tlaleho feela; o ile a hlophisa hore moena oa hae, Simone, a kopane le Jesu. Tlaleho ea hae e tletseng ka cheseho ka Jesu le ho mo tsebisa Eena ka sebele—ke tsela e bonolo ha ka kang ea ho arolelana ka evangeli le baamani le rona malapeng a rona! Kamor’a ho tsebisa eaba Andrease o emella morao. Ho tloha nakong eo ho ea pele, Jesu le Petrose ba e-ba le kamanano eo e leng ea bona. Ho thusa bana ho ea sebakeng sa tumelo. Hangata bana ba ka tlolisoa mahlo e le baamoheli ba maleke a ho arolelana ka evangeli. Batsoali ba etsa phoso ea ho nahana hore bana ba tla amohela borapeli ba lelapa habonolo feela. Taba ena ha ea lokela ho nkuoa hanyenyane. Leha batho bana ba banyenyane ba ithuta ka ho kholiso eo ba e bonang, e boetse ke ‘nete hore litho tse na tse nyane tsa lelapa la Morena li lokela ho sebeletsoa ka bo mong ba fuoe monyetla oa ho mo tsebisoa. Deuteronomo 6 e tsitlallela taba ena: e ka khona ho shejoe ka hloko mokhoa o sebetsang ka katleho e fetisisang oa thuto ea borapeli. Litloaelo tsa kamehla tsa semoea tsa borapeli ba motho ka mong kapa tsa lelapa li lokela ho khothaletsoa ka lapeng. Ho lokela ho etsoe nako le maleke a tiileng bakeng sa bana le bacha.

Re ka ithuta eng ka maleke a evangeli a Naomi? Ruthe 1:8–22.

Ruthe o bone Naomi metsotsong eo a leng tlase ka ho fetisisa: ha a leka ho leleka ngoetsi ea hae, ha a halefile a na le khatello ea maikutlo, a halefela Molimo ha a hopola tahlehelo tsa hae (Ruthe 1:15, 20, 21). Ha ho na bopaki bo kheleke ho feta ba Ruthe bo ka fanoang ho bontša bacha hore ba ka kopana ba ba ba etsa boitlamo ho Molimo o phethehileng, leha ba mo tsebisitsoe ke motsoali ea sa phethehang.

Taba ea lehae e le tšimo ea bohlokoahali ea boromuoa e ama joang katamelo ea hau ho batho ba phelang le uena? Sebetsang hammoho le le lelapa ho lokisa lenane le maleke a khethollohileng ao lelapa la lona le ka a etsang ho tataisetsa baamani le lona ba sa bolokehang ho Krete.

Khotso e Hapang

Ke keletso e fe e fanoang ke Testamente e Ncha ka lenyalo le aroloang ke borapeli bo fapaneng? 1 Ba-Kor. 7:12–15; 1 Pet. 3:1, 2.

Lehlohonolo la ho ba molekane oa Mokreste. Ho 1 Ba-Korinthe Pauluse o arabela balumeli ka khathatseho ea bona ea hore ho lula ba nyalane le balekane ba sa lumelang ho ka se khahlise Molimo kapa ha silafatsa bona le bana ba bona. Ha ho joalo, ho rialo Pauluse. Khalalelo ea lenyalo le likatamelo tsa lona li lokela ho tsoela pele kamor'a hore molekane e mong a sokolohe. Boteng ba molekane a le mong oa Mokreste bo "halaletsa" molekane e mong le bana ba bona. Lentsoe "halaletsa" le lokela ho utloisoa moeelong oa hore balekane ba sa lumelang ba kopana le lithlohonolofatso tsa mohau ka ho phela le molekane oa hae oa Mokreste. Leha e tabola pelo joalo, molekane ea sa lumelang a ka khetha ho siea lenyalo leo. Leha litholoana e tla ba tse babang haholo, lentsoe la Molimo oa rona le mohau—ea lulang a tšehetsa bolokolohi ba batho ba ho khetha—ke hore "a mo hlale." Molumeli "ha a tlangoa litabeng tse joalo" (1 Ba-Kor. 7:15). Ho Biletsoa ho phela ka khotso. Seo ka ho hlaka Lentsoe la Molimo le se laba-labelang ho sa natse liqholotso tsa lehae le arohaneng ka tumelo ke hore, ho ka fumanoa tselo ea hore khotso ea Krete e rene teng. Tšepo ke ho boloka lenyalo le ntse le tiile, ho fana ka bopaki ba ho hlola ha evangeli har'a mathata, le ho khotlaletsa boiketlo ba molekane eo ea lumetseng a leng nama e le 'ngoe le eena, leha a sa lumela.

Khaello tsa boikarabelo ba molekane molakaneng ea sa lumelang eka ba li fe?

Mohau, botšepahi bo sa thekeseleng, bosebeletsi ba boikokobetso, le bopaki bo hapang lehlakoreng la molumeli li fana ka monyetla o moholo oa ho hapa molekane eo e seng Mokreste. Boikokobetso lenyalong la Bokreste le tsoaloe ke ho hlompha Krete (bapisa le Ba-Ef. 5:21). Ha molekane a amana le molekane ea sa lumelang ka boikokobetso ba Bokreste, boikamahanyo kamehla bo ee be bo le ho Krete. Ho tšepahalla lipallo tsa Molimo bophelong ba motho ha ho hloke hore moelake a fete har'a tšekefetso matsong a molekane ea likhoka.

Na ho na le motho ka kerekeng ea hau ea sokolisanang le molekane ea sa lumelang? Ha ho le joalo, u ka thusa joang ka liketso tse bonahalang?

Bophelo ba Lelapa ke ba Karolelano

Litemaneng tse latelang, fumana tšebeliso ea Testamente e Ncha ea mantsoe ana “latela” kapa “etsisa.” A re bolella eng ka leeto la ho ba le ho hola u le Mokreste? U nahana li supa eng ka kamano e teng pakeng tsa ho holisa le ho paka? 1 Ba-Kor. 4:16, Ba-Ef. 5:1, 1 Ba-Thes. 1:6, Ba-Heb. 6:12, 13:7, 3 Johanne 11.

Thatiselletso ea Testamente e Ncha holim’a ho etsisa e ananela bohlokoa ba boikarabello ba ho bopa tšebetsong ea ho ithuta. Batho ba atisa ho ba joalo ka seo kapa bao ba ba sehelletseng. Tšiea ena e ama le likamano ka kakaretso haholo lapeng, moo ketsiso e tloaelehileng. Moo teng bana ba etsisa batsoali ba bona le bana ba bo bona; banyalani le bona ba atisa ho etsisana. Taba ena e fana ka moneketsana oa bohlokoa oa kamoo balekane le malapa a ka pakelang balekang ba bang le malapa a mang.

Matla a tšusumetso ea phelisano. Re paka ho tsoa malapeng a rona ha re fana ka menyetla ho ba bang hore ba re lekole ‘me ba fumane boiphihlelo ba se ka malapeng a rona ka tsela e itseng. Ba bang ba mpa ba se na mohlala o motle oa lenyalo kapa lelapa oo ba ka o latelang. Malapeng a rona ba ka bona kamoo moea oa Jesu o etsang phetoho. “Litšusumetso tsa phelisano,” ho ngotse Ellen White, “ke matla a hlollang. Re ka e sebelisa haeba re batla e le tsela ea ho thusa ba re potileng.”—*The Ministry of Healing*, leq. 354.

Ha banyalani ba mema banyalani ba bang lijong, kopanong ea setsoalle, kapa boithutong ba Bible, kapa ha ba ea lethathamong la kholiso ea manyalo hammoho, baeti ba bona popeho. Pontšo ea kutloano, tiiso, puisano, tharollo ea likhang, le ho etsetsa liphapano sebaka ho paka ka bophelo ba lelapa ho Kreste.

Moelelong ona, leha ho le joalo, ke eng eo re lokelang ho e ela hloko kamehla? Jer. 17:9, Johanne 2:25, Ba-Roma 3:23.

Latela balumeli ba latelang Kreste. Mehlala eohle ea batho e na le liphoso; leha ho le joalo, bopaki ba lehae la Mokreste ha se taba ea ho bopa phetheho e felleletseng. Taba ea Testamente e Ncha ea ho etsisa ke pitso ea hore batho ka bo mong ba latele ba latelang Kreste. Maikutlo ke hore batho ka bo mong ba tla tšoara tumelo ea Bokreste ha ba e bona e bontšahala maphelong a ba bang bao e leng batho ba etsang liphoso joalo ka bona.

U ka etsang ho hore lelapa la hau e be mohlala o molemo ka ho fetisa oa ho paka ha Bokreste?

Litsi tsa Setsoalle se Tšoaetsang

Bapisa litemana tsa Bible ka ho amohela baeti le liketsahalo tse bileng teng mahaeng a malapa a mangata ba Bibeleng a thathamisitsoeng ka tlase mona. Esa. 58:6, 7, 10–12; Ba-Roma. 12:13; 1 Pet. 4:9. Ela hloko litšobotsi tsa ho amohela baeti tse bontšoaeng.

Abrahama le Sara (Gen. 18:1–8)

Rebeka le lelapa la hae (Gen. 24:15–20; 31–33)

Sakia (Luka 19:1–9)

Ho amohela baeti ho fihlela bohloki ba motho e mong ba ho phomola, lijo, le kopano ea setsoalle. Ke ponahatso e tšoarehang ea lerato le nang le boinehelo. Jesu o ile a fana ka boleng ba semoea tabeng ea ho amohela baeti ha a ne a bontša hore ho fepa ba lapileng le ho fa banyoriloeng se nooang ke liketso tsa bosebeletsi tse etsetsoang Eena (Matt. 25:34–40). Ho sebelisa lehae la motho bakeng sa bosebeletsi ho ka tloha ho memeng baahisane lijong ho ea kamohelong ea baeti e pele joalo ka ho fana ka phaphosi ea hau bakeng sa phofu ea tlhekefetso. Ho ka kenyelletse setsoalle feela se bonolo, monyetla oa ho rapela le motho, kapa ho tšoara boithuto ba Bible. Ho amohela baeti ha 'nete ho tsoa lipelong tse anngoeng ke lerato la Molimo 'me li batla ho bontša lerato la bona ka mantsoe le ka liketso.

Ka nako e 'ngoe malapa a belaela ka hore ha ba na lisebelisoa, nako, le/kapa matla a ho amohela baeti. Ba bang ba ikutloa ba sa phutholoha, ba se na litsebo, ba se na sebete sa ho fihlela ka nqane ho se tloaelehileng e le hore ba ikamahanye le ba sa lumelang. Ba bang ba batla ho qoba mathata a ka hlalisoang ke ikamahanya le ba bang maphelong a bona. Malapa a mangata a sejoale-joale a ferekanya ho amohela baeti le ho nyakalatsa.

Bophelo ba hau ba lehae bo bontša boemo ba hau ba semoea joang?

Khopolo e Eketsehileng:

Ellen G. White, “A Powerful Christian Witness,” maq. 35–39; “Attitude Toward an Unbelieving Companion,” maq. 348–352, ho *The Adventist Home*; “Ministry of the Home,” maq. 349–355, ho *The Ministry of Healing*; “The Ambassadors From Babylon,” maq. 340–348, ho *Prophets and Kings*. Matla a lehae boevangeling. “Tšusumetso ea lehae holim’a lipelo le maphelo a batho e fetisa hole thero e ka rutoang. . . . “Selika-likoe sa tšusumetso ea rona se ka bonahala se le senyenyane, matla a rona a fokola, menyetla ea rona e fokola, matlotlo a rona a haella; feela re na le menyetla e hlollang ka ho sebelisa menyetla ea mahae a rona ka botšepahi.”—Ellen G. White, *The Ministry of Healing*, maq. 352, 355.

Lipotso tsa Puisano:

1. Botsa mang kapa mang hore na ebile tšusumetso ea lehae la e mong e mo thusitseng ho etsa qeto bakeng sa Kreste. Buisnang hore na ke eng e ba ammeng ha kaalo. Sehlopha se ka ithuta eng boiphihlelong boo?
2. Le le sehlopha le ka etsa eng ho sebeletsa lelapa le nang le molekane ea sa lumelang?
3. Le le sehlopha, buisanang ka likhatello tse ling tse bang teng hae tse sebitsang khahlanong le tumelo. Ngolang lenane la tse ling tsa tsona; e be le li ngolla litharollo kapel’a tsona.
4. Maphelo a Bakreste ke mokhoa oa ho pakela bana, balekane ba sa lumelang, baamani ba bang, le baeti. Leha ho arolelana ka tumelo lehaeng ho ka se be le botlalo boo e mong a bo batlang kapa ha tlisa tšokoloho ea baamani le baeti, litho tsa lelapa tse sa phethehang li leka ho supa ho Mopholosi ea phethehileng. Ka ho amohela baeti ka pelo e fanang ho etsoang ka lebitso la Mopholosi, ba tlisa maphelo ao ao ba a amang sebakeng sa mohau. Nahana ka tšusumetso ea lehae la hau ho ba tlang ho le etela. U ka etsa joang ho le ntlafatsa hore le fetohle paki ea tumelo e fetisang bakeng sa bohle ba kenang ka menyako ea hau?